

المحاضرة الثانية — رقم (2)

إزاي تكتب محتوى؟

وصلنا للسیشن الثانية اللي هنبتي فيها التطبيق العملي على الكتابة: التسويق بالمحتوى.

هناخد إيه في السیشن دي؟

- ١ تعريف Content Marketer
- ٢ السوق يقول إيه؟
- ٣ تخصصك إيه؟
- ٤ إزاي تكتب بوست كامل
- ٥ أهمية كتابة المحتوى

يلا نعرف يعني إيه كونتنت ماركتير؟

انت عرفت يعني إيه فريلانسر، وكمان فهمت دور كاتب المحتوى بشكل عام. لكن هنا بييجي دورك إنك تتخصص بشكل أكبر وتعرف هو مين "الكونتنت ماركتير"، أو زي ما بيسموه "كاتب المحتوى التسويقي" — اللي بيكتب بوست عشان يبيع منتج أو خدمة.

والحقيقة إنك بتكتب محتوى عشان يبيع بالفعل، ولكن كاتب المحتوى نفسه مش مسؤول عن المبيعات. انت بس دورك تعلن عن المميزات والمنافع وتكتب الكلام اللي يقنع العميل، لكن عملية البيع بشكل كامل معتمدة على عوامل كثير:

- جودة المنتج.
- سعر المنتج.
- وجود خطة تسويق بيعملها متخصص التسويق مش انت.

- وجود سيلز أو موديريتور عندهم خبرة.

لو كتبت محتوى يبيع بس الموديريتور مش بيرد بشكل صحيح، يبقى المبيعات مش هتتم. ولو بتكتب محتوى حلو بس الميديا باير جابلك فئة غير قادرة على الشراء، يبقى برضه مش هتبيع.

إيه المطلوب من كاتب المحتوى التسويقي؟

Educate

بتعلم العملاء إزاي يستفيدوا من منتجك وإزاي يشتروه منك.

Influence

بتكتب محتوى يآثر على العميل عشان ياخذ قرار الشراء.

Inform

بتنقل للعميل معلومات عن البراند اللي انت شغال عليه.

Influence — التأثير على قرار الشراء

هنا هدفك تصنع محتوى يآثر على قرار الشراء، فالعميل يتحفز أو يتشجع ويشترى. ممكن يتمثل في إنك تقدم نصائح عشان تظهر الخبرة، أو مشاركة مواقف إيجابية مع العملاء عشان يكون في فهم لطبيعة العمل، وغيره من المحتوى الملهم اللي يسبب أثر مع العملاء.

Inform — نقل المعلومة

نقل المعلومات ممكن يتمثل في إنك تذكر إيه منتجاتك، الميزات اللي ضيفناها، فيدياك العملاء، وغيره من المعلومات اللي ممكن ننقلها (سواء هتفيد في البيع أو بناء علاقة مع المتابعين).. يعني أي محتوى فيه نقل معلومة.

Educate — التعليم

ممكن تعمل محتوى هدفه تعليم المتابع إزاي يستخدم منتجك ويحصل منه على أفضل نتيجة ويعيش معاه فترة أطول.. هنا انت بتعلم العميل إزاي يستخدم منتجك.

مع كل معلومة أو فكرة محتوى هتقرأها، هتلاقيها بتندرج تحت الـ 3 أنواع دول، واللي بيختلف أو بيأثر في طريقة تنفيذها هو **صياغة الفكرة**.

فلو قولنا مثلاً إني محتاجة أعلن عن كورس جديد، هتلاقي عندك نوعين:

- حد هيروح يكتب بوست مباشر، وهو إنه يقول: "فتحنا الحجز للكورس، وده تفاصيله".
- حد ثاني هiestخدم طريقة كريييف ويعمل بوست يشجع الناس إنها تقرأ وتحجز من خلاله.

مين هو الكونتنت ماركتير؟

هو الشخص المسؤول عن إنشاء محتوى (قيّم - بسيط - مناسب - مفهوم - مقنع) لجذب العملاء المحتملين، وبناء علاقة مع العملاء الحاليين، وتعزيز الوعي بالعلامة التجارية.

عرفت إيه هي شروط المحتوى اللي لازم تكتبه؟ قولناهم في السيشن اللي فاتت — 5 شروط: قيّم - بسيط - مناسب - مفهوم - مقنع.

ليه المشاريع بتحتاج كتابة المحتوى؟ من التعريف احنا بنكتب عشان 3 أسباب:

بناء الوعي

بناء علاقة مع العملاء الحاليين

جذب عملاء جدد

العملاء الجدد هيجوا عن طريق المحتوى اللي بتنقل فيه معلومات عن المشروع ويتعلن عن خدماته ومنافعه.. لما يعرفوك هيجوا يتابعوك، ودا بيتحقق من خلال مرحلة الـ Inform.

والعملاء الحالية هتقدر تحافظ عليها بالمحتوى التعليمي أو الملهم أو النصائح ومساعدتهم في احتياجاتهم... يبقى انت كدا بتأثر عليهم تأثير إيجابي، وكمان هيدّوك فيدباك إيجابي لأنك عرّفتهم إزاي يستخدموه صح عن طريق التعليم.

الكونتنت ماركتير ممكن يشتغل في أكثر من تخصص، وفي الجزء الجاي هنقولك إيه هي التخصصات المختلفة عشان تكون عارفها — وطبعًا مش مطلوب منك تتقنها كلها مرة واحدة.

السوق بقى يقول إيه؟

معظم إعلانات التوظيف بيكون مكتوب فيها "مطلوب كاتب محتوى"، وبعدين يحطوا المهام اللي عايزينها منه: يكتب إيه من نوعيات المحتوى، هيشغل على إيه من المنصات، الشغل أونلاين ولا أوفلاين.

عايزة أقولك باختصار إن فكرة المسميات دي مش دايمًا مهمة، الأهم إنك تعرف انت متخصص في إيه وإيه الخدمات اللي بتقدمها بغض النظر عن المسميات — لأنك هتوصل لمستوى بتعرف تعمل كذا حاجة (بتكتب مقالات - محتوى سوشيال ميديا - سكريبت وغيرهم).

فاحنا مش هنعتمد مسميات، هنعتمد خدمات وشطارة في اللي بنقدمه. اتفقنا؟ اتفقنا إن شاء الله.

ليه العميل يدفع فلوس في المحتوى؟

(1) التوعية المناسبة: بالبلدي اسمها "الناس عارفة انت بتاع إيه"، ودي نقطة مهمة جدًا. في صفحات بتدخلها مبتكونش عارف تخصصهم ولا هم مين، وفي صفحات تانية من أول بوست تقراه هتعرفهم، وبالتالي لو احتاجاتهم هتكلمهم بشكل أسرع.

(2) الوعي الأكبر بيزيد المبيعات: لأننا عارفين هو بيع إيه، فلما هحتاج نشترى هو هيبجي على بالنا ونروحله.. وهنا نقطة مهمة: انت مش بتزيد مبيعات مباشرة، انت بتزيد الوعي والثقة والولاء اللي هيزيد المبيعات في النهاية.

(3) شكل أفضل للصفحة: التفاعل والكومنتس والشكل الظاهري للمحتوى هيكون أجمل، فالصفحة هتكون بروفيشنال أكثر، وده هيزيد ثقة العميل فيك.

لما بتدخل صفحة محتواها مكتوب بعشوائية والأمور مش منظمة، في الغالب مش بتشتري لأنك شايف إن المكان مش متكلف، وبالتالي هتقول أكيد جودة منتج وحشة.

مش بقولهم لك عشان تحفظهم، لكن دول أسرار مونية تخليك شاطر في إقناع العميل وتوصله إنك قادر تحققله رغباته اللي بيدور عليها ولسه مش لاقياها لحد دلوقتي... ركّز عشان الموضوع مهم.

أهم 4 مميزات للمحتوى التسويقي

(1) جذب عملاء مستهدفين

جذب عدد أكبر من العملاء المهتمين بشرا المنتج بتاعك —
عميل حقيقي بيدور على المنتج ده.

(2) بناء الثقة

بتقديم نصائح ومعلومات تبني علاقة آمنة مع العملاء،
فتبقى الاختيار الأول ليهم ومصدر معلومات موثوق.

(3) تقليل تكلفة الإعلانات

هتقلل تكلفة الإعلانات الممولة، لأنك هتنتشر عن
طريق محتواك.

(4) تسريع عملية البيع

بتظهر باستمرار للعميل، وتديله كل المواصفات اللي
محتاجها (جودة - خصومات - عرض).

هنا انت لو قدرت تكتب محتوى كويس وبطريقة صحيحة، هتعرف تحقق الأربع رغبات أو أكثر كمان، وبالتالي الطلب عليك هيزيد لأنك مش مجرد بتكتب بوستات وخلص.

هدف "البيع السريع" مش هيتحقق إلا بتحقيق الخطوات الـ3 اللي قبله، وهنا بيحصل إن عملية البيع بتزيد بمعدل أكبر بالإضافة للوصول لعدد عملاء أكبر — يعني لو أنا محتاج بيع بـ3000ج، طب ما أخليهم 4000ج والعملاء يوصلهم المنتج أسرع.

البيع السريع = العميل + المنتج + التسويق

ركّز لأن كل المعلومات مرتبطة ببعض. انت كويس وييجي منك ذكي... بس لما بتركّز.

إزاي نكتب بوست أو محتوى تسويقي يشد الانتباه؟

خليك فاكّر. انت بتكتب عشان عايز تبيع منتج أو خدمة أو حتى فكرة. البوست بيتكون من 5 عناصر: 3 أساسيين و2 فرعيين.

١) العنوان الرئيسي — Headline

كلمات بتزيد من فضول القارئ؛ جملة تعجبية، سؤال، مقارنة، أرقام. باختصار هو الجملة اللي هتجذب بيها القارئ في أول 3 ثواني.

"ليه بتعزّض نفسك للتشتت؟ ممكن تكون هدى النوم مدمر للصحة!"

"دليلك الشامل في كتابة المحتوى"

"تاخذ 3000 جنيه ولا تحضر ايشنت وسط أشطر صناع المحتوى؟"

"٤ أسرار لكتابة محتوى جبار"

الهيذالين بيخليك تكسب العميل، مش عشان يشتري.. عشان يكمل قراءة البوست وهو مبسوط لأنك بتوضحله من البداية هو هيستفيد إيه.

٢) المقدمة — Intro

تاني جزء بعد العنوان، هدفه توضيح للقارئ هيستفيد إيه من البوست، وإيه هو الموضوع اللي هنتكلم فيه، عشان يقرر هل هو مفيد بالنسبة له ولا لا. المقدمة بتكون من سطين لثلاثة عشان العميل مايملّش وهو بيقراً.

نصيحة جانبية: قبل ما تكتب البوست بتاعك، اقرأ محتوى كثير عن نفس الموضوع وشوف كل الهيذالينز اللي عجبك واجمعها عشان تطلع منها بميكس لذيذ يخلي العميل يكمل قراءة للآخر.

٣) الموضوع — Body

لو في العنوان والمقدمة قولتي إنك هتعليمي كتابة محتوى، يبقى في الموضوع هتشرحلي بالضبط معنى كتابة المحتوى وأنواعه وأشكاله... ويكون أفضل لو علمتني كمان إزاي أكتب.

يعني لو افترضنا إن العنوان هو "الوعد"، فيبقى الموضوع هو "تنفيذ الوعد ده": وعدتك بـ 3 خطوات لتنظيم الوقت، يبقى في الموضوع لازم أقولك 3 خطوات تنظم فيهم وقتك. شرط الموضوع: **التنظيم** — سرد المعلومة بنظام ومسافات واضحة.

خد بالك: لما بتخط هيدلّين ووعد لازم تلتزم بيه في الـ body، لأنك لو خلفت الوعد ده العميل هيفقد ثقته فيك، وهتتحول من مصدر معلومات وفائدة لمجرد حد عايز متابعتي وخلاص ويتدور على الريتش وبس.

الريتش مهم لكن في حجة ثانية اسمها **المحتوى التسويقي — Teaser Campaign**: فيه نقدر نخلي العملاء تتفاعل معنا من غير ما نحط كل المعلومات من البداية. مثال: "هينزل بوست النهاردة بالليل عن التشتت، سيب كومت عشان نبعثلك اللينك لما ينزل".

٤) التلخيص — Conclusion

بعد ما بنشرح في الموضوع، هنكتب للقارئ تلخيص شامل: للميزات اللي هيحصل عليها لو اتّبع المعلومات اللي انت قولتها، والأضرار اللي هتحصل من عدم تنفيذ الخطوات.

مثال: البوست الشهير "الفرق بين كتابة المحتوى والتلاجة" — بعد ما اتقال الفرق بينهم بالتفصيل، اتوضّح إن كل جزء في البيت ممكن نعبر عنه في كتابة المحتوى، وفي النهاية إن كتابة المحتوى هي بوابتك لعالم كله إبداع.

٥) الـ CTA — Call To Action

عبارة عن الطلب الي انت عايز العميل ينفذه بعد ما يقرأ البوست بتاعك، سواء إنه يعمل لايك أو شير أو يسجل في موقع أو يحمل كتاب. من أهم شروطه إنه يكون مباشر وواضح ومختصر.

الـ CTA بتحددده قبل ما تكتب البوست من الأساس، يعني عايزه يشتري منتج ولا يتابعك ولا يشتري الخدمة الي بتقدمها ولا إيه بالضبط؟

"لو مهتم تقرا الكتيبات، سيلنا كومت وهتتابع معاك باللينك"

"احجز مكانك لأن دي اللحظة المناسبة"

طبعا العميل مش بينفذ من غير تفكير — هو وصل لـ CTA لأنه مهتم بالموضوع أصلاً من البداية (الهيديلاين)، هو بس محتاج منك توجيه للخطوة الصح، لأنك لو ما عملتش كده هو ممكن يقرأ البوست ويمشي.

تلخيص سريع: البوست بيتكون من 5 عناصر — عناصر أساسية (الهيديلاين، الموضوع، الـ CTA)، وعناصر فرعية (المقدمة والخاتمة).

المحتوى لوحده مش كفاية — عوامل ثانية بتأثر على النتائج

العامل الأول — الإعلانات الممولة: لو انت بتبدأ مشروع جديد فلازم إعلان ممول عشان الصفحة تتشاف، لأنه حتى لو المحتوى كويس، عمر ما العميل هيشوفك إلا لما انت تروحه. ولو مافيش قدرة على الإعلانات، فممكن نهتم بالشير في الجروبات المهتمة بالخدمة أو المنتج الي بتقدمه.

العامل الثاني — الهوية البصرية: هل بتمتلك لوجو وديزاينات مميزة معمولة بشكل كويس، ولا الهوية مش موجودة؟ ده مؤثر كبير جداً لازم تهتم بيه وتديله حقه — ثبت الألوان واكتب بطريقة تعبر عنك، بحيث حتى لو الي يقرأ ما بصّش على اللوجو، يعرفك من طريقته في الكتابة.

العامل الثالث — الردود على العملاء: ممكن يكون في هوية بصرية مميزة، محتوى كريييف، وإعلانات ممولة.. لكن الرد على العملاء مش بيتكلم كويس أو مش بيعرف يقنع العميل أو بيرد متأخر. فضروري نهتم بالرد على العملاء بطريقة كويسة وفيها إقناع.

لو كل العوامل دي كانت مضبوطة، تأكد إن العملية هتنجح.

المحتوى التسويقي نوعين

Copy Writing	Content Creation
هدفه البيع للعميل.	هدفه بناء ثقة العميل.
يتكلم عن المنتج اللي هيجل المشكلة.	بيقدّم معلومات ونصائح لحل المشكلة.
ال CTA عبارة عن أمر أو طلب لإتمام عملية البيع.	ال CTA عبارة عن استفسارات أو مناقشات.
مكانه في رحلة العميل: يشتغل لما العميل بقى قريب من قرار الشراء ومحتاج دفعة أخيرة.	مكانه في رحلة العميل: يشتغل قبل ما العميل يكون مستعد يشتري — بيبي علاقة الأول.
اللغة: مباشرة، مركزة على الفائدة والعرض والسعر.	اللغة: هادية، تشاركية، بتفتح باب نقاش مع المتابع.
مثال: بوست بيقول "كورس كتابة المحتوى فتح باب الحجز — خصم 20% لحد آخر الأسبوع، احجز مكانك دلوقتي".	مثال: بوست بيشرح "3 أخطاء شائعة لما تكتب هيدلاين"، من غير ما يذكر أي منتج — هدفه إنك تستفيد وتثق في الصفحة.

النوعين مكملين لبعض مش بدائل عن بعض: الصفحة اللي كل محتواها Copy (بيع مباشر طول الوقت) بتضغط على المتابع وتفقد ثقته بسرعة، والصفحة اللي كل محتواها Content (معلومات بس من غير أي CTA بيعي) بتفضل تبني علاقة كويسة لكن من غير ما تحوّلها لمبيعات فعلية. الشغل الصح إنك تبني ثقة بالـ Content بشكل مستمر، وتستخدم الـ Copy في التوقيت الصح (إطلاق منتج، عرض محدود، تذكير بخدمة) عشان تحوّل الثقة دي لبيع.

خطوتنا الثانية انتهت..

لكن الرحلة في صناعة كاتب محتوى محترف ومتميز لسه منتهت.. نتقابل في ملف جديد.

OnTrack